



INUIT ATAQATIGIIT INATSISARTUNI

26. januar 2007

Inatsisartut Suleriaasianni § 36, imm. 2 naapertorlugu Naalackersuisunut apequt imaattoq matumuuna saqqummiuppara:

Naalackersuisunut apequt: Nunatsinni ilisimatusarneq pillugu siunnersuisoqatigiiliortoqar-nissaanut tunngatillugu, Naalackersuisut suliniutaat sumut killippat ?

(Inatsisartuni ilaasortaq Olga P. Berthelsen, Inuit Ataqatigiit)

Tunngavilersuut:

Nunatsinni ilisimatusarnermik suliaqartarneq ukiuni kingullerni annertusiartorpoq. Taamatut ingerlajartuinnarneq nunatsinnut pisuunnguutaajartortutut isigisariaqarpoq, tassami ilisimasat assigiinn-gitsut nunatsinni pilersinneqarsimasut pigilertaratsigit. Tamanna pingaaruteqarpoq siunissaq unga-sinnerusoq isigalugu, nunatta ineriartorneranut aammalu ilinniartitaanikkut, nunatsinnut tunngassu-teqartunik pigisaqartuaannarnissatsinnut aqquasussaaammatt.

Upernaakkut 2006-mi Inatsisartut ataatsimiinneranni, Naalackersuisunut apequteqaatigivara nu-natsinni ilisimatusarneq pillugu siunnersuisoqatigiiliortoqarnissaa, Naalackersuisunit pisariaqartutut isigineqarner-soq.

Naalackersuisut akissuteqarnermini oqaatigaat Naalackersuisut isumaqartut nunatsinni ilisimatu-sarneq pillugu siunnersuisoqatigiiliortoqarnissamut pisariaqartitsinerup misissorneqarnissaa pissu-tissaqartoq, aammalu siunnersuisoqatigiiliorneq ataqatigiinnerusumik isigineqartariaqartoq.

Ilisimatusarnikkut ingerlatsineq pillugu Nassuiaasioqarfiup aallartissimagaa, Naalackersuisup akissuteqarnermini oqaatigaa. Aamma oqaatigineqarpoq Nassuiaat, Inatsisartut 2007-mi upernaakkut ataatsimiinneranni saqqummiunneqarumaartoq pilersaarutaasoq.

Nassuiaat pillugu suliap taassumap ingerlanneqarnera sumut killippa?